
ЁНҒИН ХАВФСИЗЛИГИ ИНСТИТУТИ

вакиллари Фарғонада сайёр ўқув-амалий машғулотлар ўтказишмоқда

Ўзбекистон Республикаси Президентининг 2017 йил 23 майдаги “Ёнғин хавфсизлиги соҳасида кадрларни тайёрлаш, қайта тайёрлаш ва малакасини ошириш тизимини такомиллаштириш чоратadbирлари тўғрисида”ги қарорини тўққизинчи бандида институтда ўқув жараёнларини янада такомиллаштириш, ўқув адабиётлари, инструкция ва қўлланмаларни янада ривожлантириш мақсадида давлат ёнғин хавфсизлиги хизмати шахсий таркибининг ёнғинларни ўчириш ва профилактикасини ташкил қилиш бўйича йилда бир марта тест синовларини ўтказиш ва амалий кўникмаларини қайта машқ қилдириш таъкидланган.

Ушбу қарорга асосан, Ўзбекистон Республикаси Ички ишлар вазирлигининг шу йил 24 июнь куни “Ўзбекистон Республикаси Ички ишлар вазирлиги Ёнғин хавфсизлиги институти профессор-ўқитувчилар таркиби томонидан сайёр ўқув-амалий йиғинларни ўтказиш тўғрисида”ги буйруғи қабул қилинган. Ҳозирги кунда юқоридаги қарор ҳамда буйруқ ижросини таъминлаш мақсадида Ёнғин хавфсизлиги институти профессор-ўқитувчилари томонидан республика ҳудудларида сайёр ўқув-амалий йиғинлари ҳамда жойларда ёнғин профилактик-тушунтириш тадбирлари уюштирилмоқда.

Жумладан, 18 июль куни “Фарғона нефтни қайта ишлаш заводи” УШК объектларини ёнғиндан муҳофаза қилувчи ёнғин хавфсизлиги бўлими ва унинг таркибий бўлинмалари 8- ҳамда 9-ҳарбийлаштирилган ёнғин хавфсизлиги қисмлари шахсий таркиби билан сайёр ўқув-амалий машғулотлар ўтказилди. Амалий машғулотлар асосан фаол ва интерактив усулда ўтди. Ёнғин ўчириш техникаси ва қутқарув воситаларидан фойдаланган ҳолда руҳий тайёргарлик йўлагиди машғулот бажарилди. Бажарилаётган амалий машғулотлар объектнинг ва бажариладиган ишларнинг алоҳида хусусиятларини инобатга олган ҳолда ҳамда меҳнат муҳофазаси талабларига мувофиқ ташкил этилди.

Худди шу куни ҳудудий давлат ёнғин назорати органлари билан биргаликда вилоят силга қарши кураш диспансерида ёнғин профилактик-тушунтириш тадбирларини амалга оширдилар. Тадбирда асосан даволаш муассасаларида ёнғин хавфсизлигини таъминлаш ва содир бўлиши мумкин бўлган ёнғинларни олдини олиш, фуқаролар ўртасида ёнғин, чақнаш ва ис газидан заҳарланиш, уларнинг оқибатлари ҳамда уларни содир бўлишига олиб келувчи омиллар, уларни олдини олиш тўғрисида тушунтириш ишлари олиб борилди.

Бундан ташқари ҳозирги кунда ички ишлар органлари тизимида ҳамда ёнғин хавфсизлиги соҳасида бўлаётган ўзгаришлар, Ўзбекистон Республикаси ИИБ Ёнғин хавфсизлиги институтидаги таълимнинг янги шаклланган мутахассисликлари ва турлари бўйича ёшлар орасида кенг қамровли касбга йўналтирилган фаол тарғибот- ташвиқот ишлари, ўқишга кириш тартиби ҳамда яратилган шарт-шароитлар ҳақида Ёнғин хавфсизлиги институти масъул вакили батафсил сўзлаб берди.

2017-08-21 12:02:16